

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण गजमाल 'चिलिमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

महामारीया इलय् नेवा:तय्त आक्रमण
भिन्ग: व थौं
श्रीकृष्ण महर्जन - २नाराध: व हरिशयनी एकादश
कल्याण मित्र - ३'डिम टिम' जुल लिभरपुल
प्रजीत शाक्य - ६मोहनीया चालनिसँ न्ह्याइगु ख्वपया नवदुर्गा गं
प्याखं भलभल अष्टमिकुहु क्वचाय्कगु लू
पेज ४-५

बुंगघ:या रथ दय्केज्या न्ह्यात थुगुसी रथ जात्रा याय्फइला ?

लहना संवाददाता

आ:या इलय् कोरोना महामारीं मुक्कं हलियात प्रभावित यानाच्वंगु इलय् भीगु देय् नेपा: नं थुकिं तापाना: च्वनेमफुत । गुलिखे देशय् महामारी नियन्त्रणय् वयाच्वंगु इलय् भीथाय् धा:सा भन संक्रमितया नापं मृतकया ल्या: तर्क थहां वनेगु इवलय् दु । थन गुलिखे सार्वजनिक ज्याइव:त स्थगित याय्माल सा सामाजिक जीवनपाखें समाज तापानाच्वनेमा:गु अवस्था जुयाच्वंगु दु । थ्व हे इवलय् येँय् जनबहा:घ:या जात्रा, ख्वप, थिमिया बिस्का: जात्रा, बोडेया म्ये प्वा: खनेगु जात्रा, ग्वलया मचाती जात्रालिसें यक्व हे जात्रात स्थगित याय्माल । नेपा:या हे दक्कले ता:हाक:गु जात्राकथं काइगु बुंगघ:या रथ जात्रा नं मजुल धइगु कथं खें जुइधुंक्कूगु ख: तर आ: वया: यलया पूच्वय् वंगु १० गते बुधबा:निसें बुंगघ:या रथ दय्केज्या न्ह्या:गुलिसें जात्राया चर्चा नं न्ह्या:गु दु । गुलिसिनं जात्रा जुइगु जुल धका: लसता प्वकाच्वंगु दुसा गुलिसिनं थज्या:गु अवस्थाय् जात्रा हाकनं महामारीया जात्रा जुइगु ला मखुला धका: चिन्ता प्वकाच्वंगु दु ।

आ: यलया पूच्वय् बुंगघ:या रथ दय्केगु ज्या तीव्र गतिं जुयाच्वंगु दु । वंगु असार ९ गते मंगलबा:कुन्हु बाराही समाज पत्र जारी यासें जेठ ९ गते यल महानगरपालिकाया हलय् यलया दक्क



संक्रमणया जोखिम अप्वयाच्वंबलय्, संक्रमितया ल्या: थहां वनाच्वंगु जक मखसैं स्वनिगलय् दुने हे न्हिं न्हिं संक्रमित खनेदयाच्वंगु इलय् जात्रा याये हे मज्यु धइगु कथं समाजय् स: दनाच्वंगु दु । येँ, ख्वपय् दक्क दक्क जात्रा बन्द जूबलय् यलय् जक छा्य् जात्राया तयारी धका: नं विरोध जुयाच्वंगु दु ।

जातीय समाज, सरोकारवाला पक्ष व गुठी संस्थान कार्यालय यलया संयुक्त बैठकं लकडाउन लिपा उपयुक्त ई स्वया: रथ दय्कावनेगु धइगु निर्णय जूकथं असार १० गतेनिसें रथ दय्केज्या न्ह्याकेगु धा:गु ख: । आ: बाराही समाज व जवा:त जाना: रथ दय्काच्वंगु दु । वइगु २४ गतेया दुने रथ दय्के सिधय्केगु खें रथ बाराही समाजपाखें धा:गु दु । आ: पिदंगु खें कथं रथ दय्का: बुंगघ:यात रथय् विराजमान याकेगु धयाच्वंगु दु, रथ साला: जात्रा

याय्गु खें आ:तक्क पिहांमव:नि । थ्व विषयस जात्रा पक्षपाखें नं आ:या जात्रा याय्गु धइगु कथं धा:गु म्दुनि । थ्व विषयस जात्रा पक्षया धापू कथं आ:यात रथ दय्केगु व रथय् घ:यात विराजमान याकेगु जक योजना दु, रथ साला: जात्रा न्याय्केगु हुं खें म्दुनि धइगु जात्रालिसे स्वापू दुम्ह श्रोतं जानकारी ब्युगु दु । रथय् विराजमान याकेत जोशीया साइत कथं जुइगु व रथ जात्रा याय्त नं अवस्था स्वया: जक जुइगु श्रोतं धा:गु दु ।

त्यं ७ पेजय्

कीर्तिपुर अस्पतालय् डायलायसिस सेवा सुरु



दाँच्छ न्हय:निसें यानाच्वंगु कुत: लिपा कीर्तिपुर नगर पालिकाया ग्वाहालिं कीर्तिपुर अस्पतालय् जलास्वै ल्वगिपिनिगु नितिं डायलायसिस सेवा वंगु आइतवा:निसें न्ह्या:गु दु ।

छगू ज्याइव:या दथुइ किपू नगरपालिकाया प्रमुख रमेश महर्जनं कीर्तिपुर अस्पतालय् ज्याइव:या उलेज्या यानादीगु ख: । ज्याइवलय् उप-प्रमुख सरस्वती खड्का, डा. भरत प्रधान, पूर्व राज्यमन्त्री दीलिप महर्जनपिनिगु नं ब्वति दुगु ख: ।

डायलायसिस सेवा सुरु याय्गु नितिं किपू नगरपालिकापाखे १गू करोड १०गू लखतका ग्वाहालि या:गु ख: । थ्व हे इवलय् किपू नगर पालिका-३या सन्तु तण्डुकारया डायलायसिस याना: अस्पतालय् उगु सेवा न्ह्या:गु ख: । डायलायसिस डा. अर्चन शम्सेर राणां यानादीगु ख: ।

नेपाल सरकारपाखे डायलायसिस सेवाया सूचिकृत मज्जु हुनि आ:या नितिं निग: मे सिनपाखे सेवा न्ह्याका: थ्यंमथ्यं नीम्ह बिरामीपिन्त जक सेवा बीफइगु जूगु दु ।

त्यं ७ पेजय्

ल:या हाहाकार अन्त्य जुइगु स्थानीयवासी लयताल

दमाइचाघाटय् ९०६ लिटर ल: न्ह्यनीगु ट्यांकी दय्कीगु



त्वनेगु ल:या हाहाकार जुयाच्वंगु समस्या ज्यनीगु येँ महानगरपालिका-१९या स्थानीयवासीपिनिगु बर्षौंनिसेंया लक्ष्य पूवनीगु जूगु दु ।

दमाइचाघाटय् त्व:नेगु ल:या नितिं ट्यांकी (रिजर्भ्वायर) दय्केगु ज्या न्ह्या:गुलिं त्वनेगु ल:या नितिं आ: स्थानीयवासीत यक्व: ई पीम्वा:लीगु जूगु दु । प्रदेश पूर्वाधार विकास साभेदारी ज्याइव: अन्तर्गत उगु थासय् ल:या ट्यांकी

व वाटर फिल्टर प्लाण्ट दय्केत्यंगु बागमती प्रदेशया सांसद राजेश शाक्यं जानकारी बियादीगु दु ।

सांसद शाक्ययाकथं न्ह्यानाच्वंगु आर्थिक दैय् रिजर्भ्वायर ट्यांकी दय्की । उकिया नितिं ३९गू लख ७८६: न्यास: व पीस्वतका खर्च जुइगु अनुमान या:गु दु । मुक्कं तुइगु धेबा मध्ये प्रदेशपाखें ३५गू लख ८०६: ६स: व ८९तका तइगु जूगु दु ।

त्यं ७ पेजय्

राम प्रजापति
प्रोप्राइटर

हार्ती मिठाई भण्डार
(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

NOVEL CORONA VIRUS (nCOV)
शर्बिसवाधातका लागि जनचेतनामुलक संदेश

नोवेल कोरोना भाइरसका मुख्य लक्षणहरू

नोवेल कोरोना भाइरसबाट कब्दी लाग्नु र बच्चाई कसरी

कीर्तिपुर नगरपालिका
नगर कार्यपालिकाको कार्यालय, देवढोका काठमाडौं

सम्पादकीय



महानगरपालिकाया चवछायबहःगु ज्या

नेपाःया न्हापांगु महानगरपालिका यैँ महानगरपालिका थःगु नगरदुने च्वंगु फुक्क ब्वनेकुथी स्थानीय विषयया छू सफू नेपालभाषा हे ब्वकेगु महानगरपालिकाया न्हयक्वःगु नगरसभापाखे छू हे मत पारित याय्गु ज्या जुल, थ्व तसकं हे ऐतिहासिकया नापनापं उलि हे महत्वपूर्ण नं खः ।

नेवाःतय्यु आदिभूमि स्वनिगलय् नेपालभाषाया माध्यमं ब्वकीगु छू हे जक ब्वनेकुथि दुगु खःसा गुलिखय् ब्वनेकुथिइ गुंगू व भिगू तगिमय् नेपालभाषा विषय ब्वकेगु ज्या जुयाच्वंगु दु । तर अप्ठः धइथेँ ब्वनेकुथिइ नेपालभाषा विषय काःपिं म्हो हे ब्वनामिपिं दुगु हुनिं न्हयानाच्वंगु थुगु कक्षा नं बुलुहुँ दिना वनीगु संकेत क्यंगु दु । थुकिंयानाः नेपालभाषायात म्वाका तय्युमाः धकाः सः थ्वयक्काच्वीपिं नं छू निगू सभाय् च्यूताः प्वकेगु बाहेक मेगु ठोस पलाः न्हयाकूगु खनेमदु । थजाःगु अवस्थाय् स्थानीय विषयया छू सफू नेपालभाषा हे ब्वकेगु धकाः गुगु नीति पारित याःगु दु, व तसकं हे च्वछायबहःगु ज्या खः ।

नेपालभाषाया माध्यमं आखः ब्वकेगु नितिं छू तगिनिसें च्यागू तगितकया पाठ्यक्रम तयारीया नितिं अन्तिम रुप बीगु नितिं वंगु आइतवाः यैया राष्ट्रिय सभागृहस विज्ञापिलिसे अन्तरक्रिया ज्याइवः नं जुल । महानगरपालिकाया शिक्षा विभागं स्थानीय सरकारपाखे हे पाठ्यसफू तयार यानाः ब्वकेगु अधिकार बियातःगु थुगु 'स्थानीय विषय' न्हापां खस नेपालीभासं ब्वकेगु तयारी यानाच्वंगु खःसां नगरसभां थुगु विषय नेपालभाषाया माध्यमं ब्वकेगु नीति पारित याःगु खः ।

स्थानीय विषय नेपालभाषाया माध्यमं ब्वकेगु नीति पिहांवःगुली थुकिंयात कयाः महानगर प्रमुख विद्यासुन्दर शाक्यं नगरसभां पारित जूगु क्वःछिना गथे खः अथे हे लागू याय्त निर्देशन नं बीधुंकूगु दु । अथेखःसां अभ्र नं थुगु विषय कार्यान्वयन याय्त उलि हे थाकुइगु खँय् निगू मत मदु । महानगर दुनेया सामुदायिकलिसें निजी ब्वनेकुथी थुगु विषय ब्वकेगु नितिं उलि हे जनशक्ति तयार याय्युमाःगु आःया आवश्यकता खः । प्रत्येक ब्वनेकुथिपाखे थुगु विषय ब्वकेगु ज्या जुल धाःसा नेवाःतय्यु लजगाः दइगु खँय् निगू मत दइमखु, अथे हे नेपालभाषा ब्वनाः छु दइ धाइपिनिगु नितिं नं थ्व छू बांलाःगु लिसः जुयाबी । खय्त ला नेपालभाषाया ब्वनाः थुकिंयात व्यवसायिक व लजगाःमूलक दय्के मफूगुलि हे थुकिंया महत्व मखनाच्वंगु खः, तर हरेक दृष्टिकोणं उलि हे महत्वपूर्ण जुयाच्वंगु थुगु भाषा बुलुहुँ न्हावनाच्वंगु अवस्थाय् दु ।

अथे हे थुगु नीति स्थानीय भाषा संरक्षण सम्बद्धन याय्यु खँय् छू माइलस्टोन खः धाःसां पाइमखु । आः थजाःगु महत्वपूर्ण खँय् नेवाः न्हयलुवातसें कार्यान्वयनया नितिं ग्वाहालि याय्युमाःगु दु । आखः ब्वकेगु नितिं स्यनामित उत्पादन याय्यु, तालिम बीगु आदि ज्या नं बीमालेफु । नेपालभाषाया थीथी संघसंस्थापाखे महानगरपालिकायात भिन्तुना देछाय्गुया नापनापं कार्यान्वयनया नितिं उलि भूमिका म्हितेमाःगु खनेदु । अभ्र नेवाःतय्यु लजगाः दइगु ग्याचिकुं अभ्र नं महितातसें नेपालभाषाया माध्यमं म्ब्वकेगु नितिं अनेकौं तिकडम याय्त नं ग्वसाः ग्वय्फु । उखेपाखे नं सचेत जुयाच्वनेमाःगु थौंया आवश्यकता नं खः ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोछेँ, यैँ

lahana.news@gmail.com

महामारीया इलय् नेवाःतय्यु आक्रमण विहाः व थौं

आदिवासी नेवाःतसें गुथि धइगु थःपिनिगु प्रथाजन्य संस्था खः, अले गुथियात स्वायत्तता व स्वशासन बीमाःगु नापं नेवाःतय्यु गुथिया नितिं ब्यागलंकथंया ब्यवस्था याय्युमाः धकाः बटम लाइन राज्ययात लःल्हाना तय्युंकूगु अवस्थाय् हे गुथि सुभाव सम्बन्धि छू समिति नीस्वन, व नं छम्ह नेवाः सांसदया नेतृत्वय् ।



श्रीकृष्ण महर्जन

नेवाःतय्यु सन्दर्भय् महामारीया सवालय् कयाः स्वय्युगु खःसा थौंकन्हय् कोरोना महामारीया हुनिं लिच्वः लानाच्वंगु दुसा न्हापा तःकै महामारीया खँ नं दु । अबल वःगु तःकैयात 'विफर' धाइगु खः । तत्कालिन जुजु रणवहादुर शाहया ई (सन् १७७७-१८०५) तक स्वनिगलय् वःगु तःकैयात विफर खः । थौंस्वयां थ्यंमथ्यं निसः व नीस्वदँ न्हयःया घटना खः । अबलय् रणवहादुर शाह नं थः चीधकःम्ह कलाःपाखे बूम्ह गीर्वाणयुद्ध विक्रम शाहयात तःकैयात मपुनेमा धकाः स्वनिगःया आदिवासी नेवाःत मध्ये मस्त दुपिन्त पितनाछ्वःगु खः । अबलय् नेवाःतय्यु छूकथं लिना छ्वःगु खः । मस्त ज्वनाः तामाकोशी पुला वनेमाःगुकथं लिना छ्वःगु खः । आपालं नेवाःतसें मस्त लँ दथुइ हे सीपिं खुसिइ चुकेत स्वलं खिसिइ तर्क चुइके म्ब्युगु, तसकं दुःख ब्युगु घटना खः । व महामारीया इलय् यक्व हे नेवाःतय्यु पितना छ्वःगु खः । लखौं नेवाःत स्वनिगः त्वःताः वनेमाःगु अवस्था वःगु खः । नेपाः एकीकरणया नामय् गोरखा राज्य विस्तारलिपा नेवाःतय्यु दकलय् तःधंगु आक्रमण याःगुकथं उगु ईया घटनायात कयाच्वंगु खः । रणवहादुर शाहया इलय् नेवाःतय्यु याःगु आक्रमणया उगु ईयात कयाः म्येतकं दय्काः थौंतक नं हालाच्वंगु दु । उकिं तःकैया वःगु इलय् नेवाःतय्यु तसकं आक्रमण याःगु खः धकाः सकलसिं धाय्गु यानाच्वंगु दु । उगु इलय् वःगु महामारीया नापनापं नेवाःतय्यु आक्रमण याःगु इतिहासया खँ जुल ।

थौंया इलय् कोरोना महामारी वयाच्वंगु दु । थ्व इलय् नं नेवाःतय्यु संस्कृतिइ तःधंगु लिच्वः लानाच्वंगु अवस्था दु । इलं द्रः दँ न्हयवनिसें न्हयानाच्वंगु संस्कृतियात तर्क लिच्वः लाःगु दु । अले औपचारिककथंया पुजाआजाय् जक सीमित याय्युमाःगु अवस्था ब्वलंगु दु । नेवाः आदिवासीतय्यु पहिचान संस्कृतिइ कोरोना महामारीं तःधंगु लिच्वः लाकूगु खनेदु ।

कोरोना महामारीया हुनिं देय् लकडाउन जूगु थ्यंमथ्यं सच्छिन्नु क्यन । थ्व दथुइ नेपाःया राजनीतिइ नापं देशय् यक्वकथंया घटना जूगु दु । आपालं घटना नेवाः आदिवासीतय्यु स्वानाच्वंगु दुसा कयौं घटना नेवाःतय्यु खास हे सरोकार मदुगु विषय नं दु । देय्यात हे लिच्वः लाइगुकथंया घटना जुल धाःसा उकिं अप्रत्यक्ष रुपं नेवाःतय्यु नं लिच्वः लाइगु स्वाभाविक हे खः । नेपाःया भूमि कालापानी, लिम्पियाधुरा, लिपुलेक

लागाय् भारतं सतक दय्कूगु अले उक्रिया विरुद्ध नेपालय् जूगु आन्दोलन, अमेरिकी सहयोग सम्झौता एमसीसी, दल विभाजन याय्युगु नितिं सरकारं हयाः लित काःगु विधेयकलिसें नेवाःतय्यु अप्रत्यक्ष रुपं स्वापू दुगु विषय खः । थजाःगु विषय यक्व दु । राजनीतिक घटनाक्रमय् दलतसें म्हितूगु भूमिकानिसें लकडाउनया इलय् हे सरकारं याःगु थीथीकथंया ज्याइवः नं नेवाःतय्यु अप्रत्यक्ष रुपं स्वापू दुगु विषय जुल ।

स्वनिगःया आदिवासी नेवाःतय्यु अप्रत्यक्ष रुपं स्वापू दुगु विषय यक्व दयाः नं नेवाःतय्यु हे स्वापू दुगु अले नेवाःतय्यु हे लिच्वः लाकीगुकथंया यक्व घटनाक्रमत नं विकसित जूगु दु । गथे कि आदिवासी नेवाःतय्यु गुथि धइगु थःपिनिगु प्रथाजन्य संस्था खः, अले गुथियात स्वायत्तता व स्वशासन बीमाःगु नापं नेवाःतय्यु गुथिया नितिं ब्यागलंकथंया ब्यवस्था याय्युमाः धकाः बटम लाइन राज्ययात लःल्हाना तय्युंकूगु अवस्थाय् हे गुथि सुभाव सम्बन्धि छू समिति नीस्वन, व नं छम्ह नेवाः सांसदया नेतृत्वय् । समिति न्हापा हे दय्कूगु जूसां नं अन्ततः लकडाउन जुयाच्वंगु इलय् हे व समाचार पिहां वःगुलिं 'क्वःजुगु व सिमा त्वःधुगु पाः लाःगु खः' लाकि योजनाबद्ध हे खः धकाः बिचाः याय्युमाःगु ई वःगु दु । न्हय्यागु

ज्या लकडाउनया इलय् हे यानाच्वंगु खनेदु ।

स्वनिगलय् ला नेवाःतय्यु यक्व बालं तयातःगु अवस्था दु । लकडाउनया इलय् बालं तर्क काय्मते धकाः न्हापां सरकारं निर्देशन बीगु अले नेवाःतय्यु ख्याय् गुकथंया ज्या नं याःगु खनेदु । अन्ततः प्येखेरं दबाव वनेवं सरकारं थःपिनिगु निर्णययात हे हीकेमाःगु अवस्था वःगु खः । थ्व नं महामारीया इलय् आक्रमणया छूकथंया कुतः खः धकाः धाय्फइगु अवस्था दु ।

कोरोना महामारीया इलय् हे यक्व हे स्थानीय निकायपाखे नेवाःतय्यु जग्गा सितिकं जग्गा कयाः लँ तब्याः याय्यु ज्या नं थाय् थासय् यानाच्वंगु दु । कोरोना महामारी अले लकडाउनया इलय् जुल धाःसा पुचः मुना वय् मफइगु व छम्ह छम्ह वल धाःसा थ्यय्काः जिल ला, ख्यानाः जिल ला न्हयानाथेँ यानां जूसां नं थःपिनिगु ज्या पूर्वका त्वःतेगु नापं ठेक्का काइपिन्त ज्या याके बीगु, कमिशन नय्युगु नियतं ज्या जुयाच्वंगु अवस्था दु । अथे हे स्वनिगलय् न्हूगु प्यंगू शहर दय्केगु धकाः ज्या न्हयाकूगु दु । स्वनिगलय् प्वनाच्वंगु जग्गा हे मदय् केगु अले नेवाःतय्यु भन्नु भन्नु अल्पमतय् लाकेगु नापं स्वनिगःयात मनुत च्वने मज्युगु थाय्कथं हिलाः कक्रिटा शहर दय्केगु, नेवाःतसें थःपिनिगु आदिभूमि खः धकाः

नेवाःतय्यु पहिचान, सभ्यता नापं अस्तित्वय् तर्क मदिकक आक्रमण जुयाच्वंगु थ्व इलय् नेवाःतसें थःपिं स्वनिगःया आदिवासीत खः, अले नेपालं अनुमोदन यानातःगु अन्तर्राष्ट्रिय कानून, सन्धिइ न्हयथनातःकथं स्वनिगलय् छुं नं कथंया योजना दय्के न्हयः स्वनिगःया आदिवासी नेवाःतय्यु सहमति काय्युमाः धकाः सः थ्वय्केगु व थुगु खँय् नेवाःत छगू मत जुया वनेमाःगु अवस्था दु ।

हे जूसां आखिर नेवाःतसें सरकारयात बटमलाइन बियातय्युंकूगुयात वास्ता मयासे सरकार वनाच्वन धइगु खँ उकिं स्पष्ट जूगु दु । अथे हे लकडाउनया इलय् हे संशोधन याःगु भूमि सम्बन्धि विधेयककथं ज्या याय्त स्वल । गुगु विधेयककथं सुकुम्वासीतय्यु जग्गा इनेगु नितिं आयोग तर्क दय्कल । स्वनिगःया आदिवासी नेवाःतय्यु भूमियात इना बीगु नियत तयाः नेवाःतय्यु अस्तित्वयात भन्नु हे समस्याय् लाकेगुकथं लकडाउनया इलय् अजाःगु ज्या राज्यपाखे जुल धकाः नेवाःतसें ताय् कीगु स्वाभाविक हे खः । अले उक्रिया विरोध नं यात । स्वनिगः व स्वनिगःया जःखः धइगु नेवाः भूमि खः । राज्यं अनुमोदन यानातःगु अन्तर्राष्ट्रिय कानून व सन्धीइ आदिवासीतय्यु सवालय् इमित पूर्व सुसूचित यानाः मन्जुरी मकाय्कं इमिगु लागाय् छुं नं कथंया योजना दय्के मदइगु, इमित स्वायत्तता व स्वशासन बीमाःगु नापं इमिगु पहिचानयात स्वीकार याय्युमाःगु खँ स्पष्ट रुपं न्हयथनातःगु अवस्थाय् नेवाःतसें उगु हे खँ ज्वनाः लकडाउनया इलय् हे नं विरोधया सः थ्वय्केगु ज्या याःगु खः । उकिं नेवाःतसें उगु आयोगनिसें ऐनयात कयाः तर्क मदिकक विरोधया सः थ्वय्केगु

तर्क धाय् मफय्केगुकथंया योजना सहितया ज्या न्हयाकूगु खनेदु ।

थुकथं स्वल धाःसा स्वनिगःया आदिवासी नेवाःतय्यु महामारीया इलय् आक्रमण याय्यु ज्या न्हापा रणवहादुर शाहया इलय् थें तुं थुगुसी नं जुयाच्वंगु खनेदु । स्वरुपय् पानाच्वंगु दु, अले न्हूकथंया आक्रमण जुयाच्वंगु दु । तर महामारीया इलय् हे आदिवासी नेवाःतय्यु आक्रमणया घटनात जुयाच्वंगु दु धकाः धाय्फइगु अवस्था दु । थुकथं नेवाःतय्यु पहिचान, सभ्यता नापं अस्तित्वय् तर्क मदिकक आक्रमण जुयाच्वंगु थ्व इलय् नेवाःतसें थःपिं स्वनिगःया आदिवासीत खः, अले नेपालं अनुमोदन यानातःगु अन्तर्राष्ट्रिय कानून, सन्धिइ न्हयथनातःकथं स्वनिगलय् छुं नं कथंया योजना दय्के न्हयः स्वनिगःया आदिवासी नेवाःतय्यु सहमति काय्युमाः धकाः सः थ्वय्केगु व थुगु खँय् नेवाःत छगू मत जुया वनेमाःगु अवस्था दु । अथे हे नेवाः भूमि, नेवाः संस्कृति अले नेवाः पहिचान व सभ्यतायात तर्क लिच्वः लाइगुकथंया छुं नं ज्या याय् दइमखु धकाः सः थ्वय्का वनेगु नितिं आदिवासी नेवाःतय्यु जागरण ब्वलका वनेमाःगु थौंया आवश्यकता खः ।

नारांघः व हरिशयनी एकादशि

नारांघः योग निन्द्राय मग्न जुयाच्वंगु प्यलाया ई अर्थात चतुर्मासया इलय् यक्व हे मुख्यगु नखःचखः लानाच्वंगु दु । थजाःगु नखःचखः व पर्वय् नारांघः व मेपिं छःत धाःसा थपाय् हाकःगु ईतक न्हयः वय्काच्वनीगु खःसा थ्व विश्वया सृष्टिया नियन्त्रण, पालनपोषण व सुन्तलित व्यवस्था सुनां याइगु जुइ ?



कल्याण मित्र

हिन्दू धर्म शास्त्र व पुराणय् वर्णन यानातःकथं आषाढ शुक्ल हरिशयनी एकादशि कुन्हुनिसें कार्तिक शुक्ल हरिबोधिनी एकादशितक प्यला नारांघः घनाच्वनी हं । थ्व निगू हरिशयनी व हरिबोधिनी एकादशियात तःधंगु एकादशि नं धायगु याः । खय्त ला दैय्दसं २४गू एकादशि लाः वइ । अधिकमास लाइगु दैय् धाःसा निगू एकादशि तनाः मुक्कं २६गू एकादशि लाइ । थुपिं एकादशि मध्ये हरिशयनी एकादशि कुन्हु नारांघः घनीगु व हरिबोधिनी एकादशि कुन्हु न्हयलं चाय्कीगु जुयाः थ्व निगू एकादशियात तःधंगु एकादशि भाःपियाः तःजिक हनीगु खः । अले उगु हे कथं अवसं च्वनाः भक्तजनतसें अतिकं श्रद्धाभाव तयाः थुगु एकादशि हनाच्वनी ।

छगू पौराणिक बाखनय् स्वापू दुगु धारणाकथं विश्वास यानातःगु दु कि 'यथा दे हे तथा देवे'या भावनाकथं दैय्दसं आषाढ महिनाया शुक्ल पक्षया हरिशयनी एकादशि कुन्हु भगवान विष्णु व लक्ष्मी, त्रयोदशि कुन्हु कामदेव, चतुर्दशि कुन्हु यक्षदेव, पुन्हि कुन्हु महाद्यः, प्रतिपदाय् ब्रह्मा, दुतियाय् विश्वकर्मा, तृतियाय् पार्वतीलिसें यक्व छःत प्यलाया नितिं घनी अर्थात विश्राम याइ । थथे धाय् कि दैय्दसं भिर्निलाय् प्यला थुपिं छःतसें निन्द्राकाल अर्थात न्हयः वय्कीगु ई खः । उकिं थ्व अजु चायापुगु खं नं जुल । मेगु शास्त्रीय धारणाकथं भगवान विष्णु अर्थात नारांघः जक प्यलातक योग निन्द्राय् च्वनीगु खः ।



नारांघः योग निन्द्राय् मग्न जुयाच्वंगु जुइमा वा मेपिं छःतयगु शयनकालय् च्वंगु छाय् मजुइमा, थ्व प्यलाया ई अर्थात चतुर्मासया इलय् यक्व हे मुख्यगु नखःचखः लानाच्वंगु दु । गथे कि मोहनि, स्वान्ति, गुरुपुन्हि, गथांमुगः चःद्दे, गुला, नाग पञ्चमि, गुपुन्हि, सापार, कृष्ण जन्माष्टमि, यँयाः पुन्हि थेंजाःगु नखःचखः लानाच्वंगु दु । थजाःगु नखःचखः व पर्वय् नारांघः व मेपिं छःत धाःसा थपाय् हाकःगु ईतक न्हयः वय्काच्वनीगु खःसा थ्व विश्वया सृष्टिया नियन्त्रण, पालनपोषण व सुन्तलित व्यवस्था सुनां याइगु जुइ ? थजाःगु सम्भव जुइ फइमखु, तर धार्मिकताया आधारय् छःतसें विश्रामय् च्वनीगु ईयात हे घनाच्वंगु खः धकाः ताय् काच्वंगु नं धाइ । नारांघः योग निन्द्राय् जक च्वनीगु खः । वास्तवय् नारांघः गबले नं न्हयः वय्की मखु । योग निन्द्राय् विश्राम जक यानाच्वनीगु खः धकाः नं धायगु याः ।

वास्तवय् नारांघः थ्व प्यलातक पाताल लोकय् वनाः बलिराजाया लुखा पिवाः च्वं वनीगु जुयाच्वन । धाय्त ला शास्त्रय् न्हयथनातःकथं नारांघः क्षीर सागर शेषनागया

थ्व हरिशयनी एकादशि कुन्हुनिसें चतुर्मास ब्रत सुरु जुइ । अथे जुयाः एकादशि कुन्हुनिसें ब्रत च्वनाः छैय् तुलसीया मा पिनाः न्हिन्हि सुथय् लः बियाः उकिया जल त्वनेमाः ।

शैयाय् घनाच्वनीगु धयातःगु दु । शेषनागया शैयाय् घनाच्वंसा बलिराजाया लुखा पिवाः जुयाच्वनीगु खः नं धयातःगु दु । शास्त्रय् न्हयथनातःकथं दैत्यराज बलिराजा अतिकं धार्मिक व दानीम्ह जुजु खः । बलिराजां दान ब्युब्यु यक्व हे दान बियाच्वंगु पूणय्या प्रभावं यानाः देवराज ईन्द्र हे थःगु लोक त्वःतेमाःगु अवस्था वल हं । अले छःतय् हाहाकार जुल हं । बलिराजा ईन्द्रलोकय् वयाः ईन्द्राशनय् च्वं वइ धकाः दक्व छःत ग्यात खनि । अले देवराज ईन्द्र सकल छःत नापं वनाः नारांघःया थाय् वनाः प्रार्थना याःवन खनि । अले उमिसं नारांघःयात बलिराजायात पनेत इनाप नं यात । नारांघवं बामन रुप कयाः बलिराजायाके भिक्षा पवं वनी । बामनरुपी नारांघवं बलिराजायाके स्वपलाः तयगु थाय् दुसा गाः धकाः पवनी । नारांघवं

छल यानाः छ पलाखं सर्गः, निगुगु पलाखं मर्त्यलोक काइ । अले स्वंगुगु पलाः तयगु थाय् मदय् बलिराजां थःगु छयं फयावी । नारांघवं बलिराजाया छयनय् पलाः तयवं बलिराजा पाताल लोकय् हे दुसुना वी । अले बलिराजां नं प्यलातक नारांघः थःगु लुखा पिवाः जुयाच्वनेमाःगु शर्त तइ । नारांघवं नं बलिराजाया शर्त पालना यानाः आषाढ शुक्ल हरिशयनी एकादशिनिसें प्यलातक घनाच्वनीगु व कार्तिक शुक्ल हरिबोधिनी एकादशि कुन्हु दनावइ धइगु मान्यता दु । थ्व हरिशयनी एकादशि कुन्हुनिसें चतुर्मास ब्रत सुरु जुइ । अथे जुयाः एकादशि कुन्हुनिसें ब्रत च्वनाः छैय् तुलसीया मा पिनाः न्हिन्हि सुथय् लः बियाः उकिया जल त्वनेमाः । थ्व चतुर्मासया इलय् अर्थात आषाढ शुक्ल हरिशयनी एकादशिनिसें कार्तिक

शुक्ल हरिबोधिनी एकादशि कुन्हु प्यलातक गुगुं नं कथंया मंगल व भिगु ज्याखं याय् मज्यू धयागु धार्मिक मान्यता दु । अथे जुयाः थ्व इलय् साइत पिहां वइमखु । अथे खःसां गुलिसिनं धाःसा मोहनि, नखःबलय् साइत स्वयम्वाः धकाः इहिपाः नं याइ । तर शास्त्रया मान्यताकथं मन्तसें भिगु व मंगल ज्याखं याय्माल धाःसा थ्व चतुर्मास धुंकाः अर्थात हरिबोधिनी एकादशि धुंकाः सकिमिला पुन्हि लिपा जक याइ । बैदिक परम्पराकथं धाःसा सूर्य उत्तरायण जुइधुंकाः जक भिज्या याय् माः धयातःगु दु । चतुर्मास जःछि नारांघःया उपासना यानाः धार्मिक परम्पराकथं नारांघःया महिमा पाठ याइ ।

महर्षि भारद्वाजया धापूकथं एकादशिया ब्रत च्वनीम्ह मिजं वा मिसां व कुन्हु असत्य खं ल्हायगु, बारम्बार जलपान यायगु, हिंसा यायगु, अपवित्र जुइगु, ग्वाः ग्वय् नयगु, वा चुलेगु, न्हिनय् घनेगु, मैथुन, जू म्हितेगु, चान्हय् घनेगु व पतित मन्तलिसे खं ल्हायगु थेंजाःगु ११गू ज्याखं त्याग याय्माः ।

आलस्य त्याग यानाः प्रसन्न जुयाः षोडशोपचारं नारांघःयात पुज्याय्माः । प्रत्येक प्रहरय् आरती याय्माः । वाद्यवादन, म्ये व नृत्य यानाः जाग्राम च्वनाः गीता व विष्णु सहस्र नांया पाठ याय्माः । एकादशिया छहु न्हयः दशमि कुन्हु स्नान यानाः म्ह शुद्ध यानाः चित्त नं शुद्ध यानाः न्हिया च्यागुगु ब्वय् अर्थात सूर्धःया जः दुबलय् हे भोजन यानाः ब्रह्मचर्यया पालन यानाः बहनी विश्राम याय् माः । बहनी भोजन याय् मज्यू । ब्रत कुन्हु स्नान आदि नित्यकर्म याय्धुंकाः नारांघःयात थथे प्रार्थना याय्माः, "हे नारांघः पुरुषोत्तम, केशव थौं छःपिया प्रसन्नताया नितिं न्हि व चान्हय् नं संयम-नियमकथं जिं पालना याय् फय्मा । जिगु घनाच्वंगु ईन्द्रियपाखें गुगुं नं कथंया विकलता, भोजन वा मैथुन क्रिया जू वसां वा जिगु वाय् न्हापा हे अन्न प्यपुनाच्वंगु दुसा हे पुरुषोत्तम छःपिसं थ्व फुकक खंय् क्षमा याना बिज्याहूँ ।" थथे विधिबिधानकथं पूर्वक एकादशिया ब्रत च्वनेमाः ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b_arts@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID) Visiting Card
- & all kinds of press works

हाल कोरना भाइरस महामारीको कारण बन्दाबन्दीको समयमा संचार क्षेत्रमा संलग्न बाहेकका ब्यक्तिहरूले संचार क्षेत्रको हवाला दिदै संचारमाध्यम तथा सामाजिक संजालमा अफवाहपूर्ण बिषय सम्प्रेषण गर्ने, अनाधिकृत रुपमा परिचयपत्र, पोसाक र सवारी साधनको प्रयोग गर्ने र सामाजिक मर्यादा बिपरितका क्रियाकलाप गरेको गुनासो आएको हुँदा कोही कसैले पनि गैरकानूनी क्रियाकलाप नगर्नु हुन अनुरोध छ । यदि यस्तो भएको पाइएमा कानून बमोजिम कारवाही हुने ब्यहोरा सूचित गरिन्छ ।

नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.
ह्वनाछैँ, पाको, न्हूसतक, येँ, नेपाः
फोन त्याः ४२३१०३६, ४२२२०६५, ४२१६१६७, फ्याक्स : ४२१६१६७







‘ड्रिम टिम’ जुल लिभरपुल



प्रदीप शावक

इङ्गलिस प्रिमियर लिगयात विश्वया हे उत्कृष्ट घरेलु लिग फुटबलकथं कायगु या: । थ्व लिग विश्वया हे दकलय् थिकेगु कासा नं ख: । गौरवशाली इतिहास, उत्कृष्ट कासामित दुथ्या:गु व १९-२०गु टिम दथुइ जुइगु धेंधेंबल्ला, बिचा: मया:कथं जुइगु नाटकीय कासां नं फुटबल सत्रय् अप्व: धइथें प्रिमियर लिगया चर्चा जुइगु या: । थुगुसी लिभरपुल च्याम्पियन जुइधुंका: थुगु प्रिमियर लिगया चर्चा भन्नु थहावंगु दु ।

लिभरपुल उपाधि त्याकूबलय् थुलिमाछ बयबय् छाउ जुल ले ? थुकिया यक्व: हुनित दुगु जुल । छगू ला लिभरपुल विश्वया हे दकलय् त:धंगु, इतिहास दुगु व प्रतिष्ठित क्लब मध्ये छगू ख: । विश्वय् लिभरपुल टिमया थें ‘डाइ हार्ट’ समर्थक म्हो हे टिमय् जक दइ । उकिं उपाधि त्याकेधुंका: सामाजिक सञ्जालय् लिभरपुल तसकं बयबय् जुल । लिभरपुलया समर्थकतसें सामाजिक दुरी नालेमा:गु नियमयात तक नं ल्वमंका: लसता प्वंकेगु ज्या जुल । लिभरपुल च्याम्पियन जुइधुंका: इलद्व: समर्थकत (अप्व: धइथें मास्क तया:) घरेलु रङ्गशाला एनाफिल्डय् मुन । विश्वया नांजा:पिं ब्याक्तिवपिन्सं सामाजिक सञ्जालपाखें भिन्तुना देछाय्गु ज्या जुल ।

अभ लिभरपुलया समर्थकत वंगु स्वीदें न्यय:निसें थुगु लसतायात पिपाचवंगु ख: । सन् १९९०लिपा लिभरपुलयात प्रिमियर लिगया उपाधि साला कयाचवंगु ख: । अथेख:सां लिभरपुल प्रिमियर लिगय् दकलय् अप्व: ता:ला:गु क्लबमध्ये छगू ख: । लिभरपुलया थ्व १९क्व:गु लिग उपाधि ख: । प्रिमियर लिगय् दकलय् अप्व: उपाधि ल्हवंगु धलखय् लिभरपुल निगुगु थासय् लानाचवंगु दु । शीर्ष स्थानय् लानाचवंगु मान्चेस्टर युनाइटेड स्वयां लिभरपुल छगू जक उपाधि ल्युने लानाचवंगु दु ।

कोरोना भाइरसया हुनिं लिग ठप्प जुयाचवंगुलिं लिभरपुलया उपाधि स्वला ल्युने ला:वन धा:सां पाइमखु । वंगु मार्चय् लिग झुगु इलय् हे लिभरपुल उपाधि त्याकीगु पक्काथें जुइधुंका: ख: । छाया:धा:सा उगु इलय् हे लिभरपुल २५गु ल्याखं न्यय:ने लानाचवंगु ख: । वंगु वालय् थ:गु हे घरेलु कासाख्यलय् क्रिष्टल प्यालेसयात प्यंगु गोलं बुकेधुंका: लिभरपुल उपाधि लिक्क थ्यंगु ख: । लिभरपुलया उपाधि ल्हवनेगु ईयात अभ तहा: याय्गु नितिं सिटी वंगु विहिवा: चान्हय् स्टामफोर्ड ब्रिजय् चेल्सीयात बुकेमा:गु ख: । तर लिक्क: अ:ख: जुयाबिल । आ:तक लिभरपुल यइपुस्सेचवक आक्रामक ब्यज्यापाखें ३१गु कासाय् २८गु कासा त्याकेत ता:लात । लिभरपुल वाट् फोर्डय् म्हितगु कासा बगु हे थुगु सत्रय् छगू जक पराजित जगु कासा जुल ।

लिभरपुल न्हयगु कासा म्हिते ल्यंदनिबलय् हे च्याम्पियन जगु ख: । गुगु दकलय् याकनं लिगया उपाधि ल्हवंगुया कीर्तिमान नं जुयाबिल । थ्व स्वयां न्यय: न्यागु कासा म्हिते ल्यंदनिबलय् हे उपाधि त्याका: म्यानचेस्टर सिटी व म्यानचेस्टर युनाइटेड कीर्तिमान तयात:गु ख: । थुगु सत्र क्वचाइबलय् तक अभ नं लिभरपुलया न्यय:ने मेमेगु कीर्तिमान तय्गु ह्व:ता: नं दनि धा:सा पाइमखु ।

लिभरपुल प्रिमियर लिगय् १०० वा व स्वयां अप्व: ल्या: कया: कीर्तिमान दयकेफइ । गुगु कीर्तिमान आ:तक म्यानचेस्टर सिटीया नामय् दु । सन् २०१७/१८य् सिटी १००गु ल्या:लिसें उपाधि ल्हवंगु ख: । छगू हे सत्रय् दकलय् अप्व: कासा त्याकूगु (३२गु) कीर्तिमान नं लिभरपुल दयकेफइ । लिभरपुल आ:तक ३१गु कासाय् २८गु कासा त्याकेधुंका: दु । अथे हे छगू हे सत्रय् घरेलु कासाख्यलय् व विपक्षीया कासाख्यलय् दकलय् अप्व: कासा त्या:गुया कीर्तिमान

तय्गु ह्व:ता: नं लिभरपुलया न्यय:ने वयाचवंगु दु । थ्व बाहेक निगुगु थासय् लानाचवंगु टिमलिसेया ल्या:या अन्तर तब्या: यासें उपाधि त्याकेगु कीर्तिमान नं लिभरपुल लिक्क थ्यनाचवंगु दु । आ:तक दकलय् अप्व: १९गु ल्या:या अन्तर कायम यासें प्रिमियर लिग त्या:गु कीर्तिमान दयाचवंगु जुल । लिभरपुल आ: हे नं निगुगु थासय लानाचवंगु सिटीलिसें २३गु ल्याखं न्यय:ने लानाचवंगु दु ।

लिभरपुलया थुगु सफलताया फुक्क जस प्रशिक्षक योगेन क्लोपयात बियाचवंगु दु । क्लोप हे लिभरपुलया टिमयात कायापलट या:गु ख: धा:सां पाइमखु । सन् २०१५य् क्लोपयात प्रशिक्षककथं क्लबय् ह:गु लिभरपुलया दकलय् पाय्छिगु क्व:छिना जुयाबिल । यूरोपय् संघर्ष यानाचवंगु लिभरपुल क्लोप जिम्मेवारी का:गु न्हापांगु सत्रय् हे यूरोपा लिगया फाइनलय् थ्यन । क्लोप थ:गु निगुगु सत्रय् लिभरपुलयात च्याम्पियन्स लिगया फाइनलतक थ्यंकल । च्याम्पियन्स लिग विश्व फुटबलय् हे दकलय् त:धंगु प्रतिष्ठित फुटबल कासा ख: । व लिपा क्लोप थ:गु स्वंगुगु सत्रय् लिभरपुलयात च्याम्पियन्स लिगया बिजेता हे यानाबिल । गुगु लिभरपुलया खुक्व:गु यूरोपेली ट्फ्री ख: । उगु हे दैय् लिभरपुल क्लब विश्वकपया विजेता नं जुल । क्लोप लिभरपुलया इच्छा पूर्वकाब्युगु जुल । तर लिपांखुसी अन्तिम इलय् धलमल जूबलय् लिभरपुल स्वयां सिटी छगू ल्याखं जक ल्युने लात । अथेख:सां लिपांगु सत्रय् हे लिभरपुल ९७गु ल्या: दयका: क्लब कीर्तिमान दयकूगु जुल । वंगु फागुणय् वाट्फोर्डलिसे बुइ न्यय: प्रिमियर लिगय् लिभरपुलया अपराजित यात्रा ४४गु कासातक न्यया:गु ख: । उकिं आ: हे क्लोप दयकूगु थुगु टिमयात लिभरपुलया हे सर्वकालीन महान टिम नं धा:गु दु ।

टिमय् वय्धुंका: क्लोप ट्रान्सफर मार्केटय् कासामि न्याय्गु व मीगुली लिभरपुल

गबले हे चुकय् मजुल । थ: लिभरपुलय् वय्वं साडियो माने व जर्जिनियो विन्जाल्डमयात टिमय् हल । मेगु दैय् मोहम्मद सलाह, एण्डी रोबर्टसन व एलेक्स ओक्लेड च्याम्बरलिन लिभरपुलय् संलग्न जुल । सन् २०१८य् लिभरपुल भर्जिल भान डिक ९०गु लख ३० द्र: डलरय् दुथ्याकल । गुगु सम्भौतापाखें भान डिक विश्वया हे दकलय् थिकेम्ह डिफेण्डर जुयाबिल । फाबिनो, नाबी किट्टा व जर्दान साकिरीथें जा:पिं विश्वस्तरीय कासामित नं लिभरपुलया जर्सीइ खनेदत । थुकिया नितिं लिभरपुल ममाडाउ साको, डोमिनिक सोलान्के, डेनी वार्ड, डेनी इन्स, क्रिष्टियन बेन्टेके व जोर्ड इबे थेंजा:पिं कासामित म्युगु ख: ।

सन् २०१९या बालन डि ओर अवार्डय् लिभरपुलया न्हयम्ह कासामित भर्जिल भान डिक, मोहम्मद सलाह, साडियो माने, रोबर्टो फर्मिन्हो, ट्रेण्ट अलेक्ज्याण्डर आर्नोल्ड, जर्जियो विन्जाल्डम व आलिसन संक्षिप्त धलय् ला:गुलिं नं क्लोपया खुबीयात स्पष्ट या:गु दु । अग्रपीकिइ मोहम्मद सलाह, साडियो माने व रोबर्टो फर्मिन्हो, मिडफिल्डय् गबलय् हे त्यानुमचाइम्ह हेण्डरसन व डिफेण्डर भर्जिल भान डिक थेंजा:पिं कासामितय्गु उपस्थितिं लिभरपुलयात थुगुसी “ड्रिम टिम” हे दय् काबिल ।

लिपांगु निदैंय् च्याम्पियन्स लिग, क्लब विश्वकप व प्रिमियर लिगया उपाधि, कीर्तिमान मुक्कं ल्या: व कीर्तिमान विजयी यात्रां छगू इलय् कमजोर व्यवस्थापनं न्हयानाचवंगु व ल्या: धलखय् भिंंगुगुगु थासय् ला:गु लिभरपुल टिमय् चमत्कार हे जगु दु धका: धाय्त बाध्य यानाबिल । लिपांगु भिदैंया स्थिति स्वय्गु ख:सा लिभरपुलया थुगु सफलतायात कासाख्यलय् हे दकलय् त:धंगु सफलताया बाखं मध्ये छगू ख: धा:सां पाइमखु ।

लिभरपुलया थुगु सफलताया फुक्क जस प्रशिक्षक योगेन क्लोपयात बियाचवंगु दु । क्लोप हे लिभरपुलया टिमयात कायापलट या:गु ख: धा:सां पाइमखु । सन् २०१५य् क्लोपयात प्रशिक्षककथं क्लबय् ह:गु लिभरपुलया दकलय् पाय् छिगु क्व:छिना जुयाबिल । यूरोपय् संघर्ष यानाचवंगु लिभरपुल क्लोप जिम्मेवारी का:गु न्हापांगु सत्रय् हे यूरोपा लिगया फाइनलय् थ्यन ।

अन्धबिश्वास र कुरीतिमा लाग्दा जीवनमा आइपर्ने
दुष्परिणामबारे जनसाधारणलाई सचेत र शिक्षित
बनाउन असल नागरिकहरू अग्रसर भई मार्ग
निर्देशन गर्नुपर्दछ ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

पत्रकार श्रेष्ठयात याःगु दुर्ब्यवहारयात कयाः पत्रकार दबूया आपति

नक्वाःया तारकेश्वर गाउँपालिकाय असार १० गते गाउँसभाया समाचार मुकेगु निति वःपि पत्रकारपिन्त जूगु दुर्ब्यवहारयात कायः नेवाः पत्रकार राष्ट्रिय दबू नं छगु विज्ञापित पिथसे विरोध याःगु दु ।

प्रेस स्वतन्त्रताया संरक्षण एवं ब्यापक अभ्यासय सक्रिय जुइमाःगु स्थानीय तह व जनप्रतिनिधिपिन्स हे पत्रकारपिन्त दुर्ब्यवहार, आक्रमणया कुतःलिसे क्यामेरा तकं तछ याःगु घटनायात कयाः नेवाः पत्रकार राष्ट्रिय दबूया ध्यानाकर्षण जूगु न्ह्यथनातःगु दु ।

नुवाकोट जिल्ला, तारकेश्वर गाउँपालिकाय वंगु २०७७ असार १० गते जूगु गाउँसभाया गाउँपालिका अध्यक्ष नीति

तथा कार्यक्रम न्ह्यव्यवत्यंगु इलय समाचार संकलन याःवःपि नेवाः पत्रकार राष्ट्रिय दबूया दुजः त्रिशुली खबर साप्ताहिकया सम्पादक नवदीप श्रेष्ठ व मिक्स एफएमया प्रमुख विष्णुप्रसाद अधिकारीयात दुर्ब्यवहारलिसे आक्रमण यायगु कुतः जूगु नाप टिभी त्रिशुलीया समाचार प्रमुख सुजीत भण्डारीयातक आक्रमणया कुतः, सवारी साधन व क्यामेरा लाका कयाः तोडफोड याःगु घटनायात विरोध याःगु दु ।

तारकेश्वर गाउँपालिका वडा नं. १या अध्यक्ष दयानिधि अधिकारी, वडा नं. ३या अध्यक्ष सूर्यमान श्रेष्ठ व वडा नं. ६या अध्यक्ष ज्ञानेन्द्र तामाडीपिन्स क्यामेरा लाका

कयाः उकथं दुर्ब्यवहार याःगु खः ।

प्रेस स्वतन्त्रताया निति हाकूगु दाग जूगु उगु घटनाय दुध्याःपि दोषीयात कारवाहीनाप क्षतिपूर्तिया जोडदार माग याःगु दु । पत्रकारिता क्षेत्र मर्यादित व सुरक्षित दयकाः पत्रकारपिन्त न्ह्याबले प्रोत्साहित जुइमाःगु वातावरण दयकेत जनप्रतिनिधि, प्रशासन तथा नागरिक समाजयात अपील याःगु दु । कोरोना संक्रमणया जोखिम दुगु इलय थःगु ज्यानया तकं पर्वाह मयासे क्रियाशील पत्रकारपिन्त निरुत्साहित याइगु थजाःगु घटना हाकनं मजुइकेत सकसित प्रतिबद्ध जुइत दबुलिं इनाप याःगु दु ।

रेडक्रस छत्रपातिपाखें हिदान



नेपाल रेडक्रस सोसाइटी, छत्रपातिपाखें यें महानगरपालिका १७या वडा भवनय हिदान ज्याइवः जुल । उगु ज्याइवलय नेपाल रेडक्रस सोसाइटी, येंया सभापति मथुराराम श्रेष्ठ, १७ वडाध्यक्ष नविन मानन्धर, वडा सदस्यपिं, ब्लड डोनर्स एशोसियसन नेपाल (ब्लोदान)या सल्लाहकार राजेन्द्र श्रेष्ठ,

ब्लोदानया केन्द्रीय दुजःलिसे यें-२४या वडा दुजः विनोद तुलाधर, यें-१९या वडा दुजः मधुसुदन प्रधान, नेपाली काग्रेसया राजुराज जोशीलिसे स्थानीय संघसंस्था व स्थानीय बासीपिनिगु उपस्थिति दुगु खः । ज्याइवःया संयोजन धुव मानन्धरं यानादीगु खः ।

शंखरापुर नगरपालिकाया न्याक्वःगु नगरसभा

शंखरापुर नगरपालिकाया न्याक्वःगु नगरसभा जुल । ज्याइवलय शंखरापुर नगरपालिका प्रमुख सुवर्ण श्रेष्ठ आब २०७७/७८या बजेट न्ह्यव्यादीगु खः । प्रदेशपाखें १गु अर्ब बजेट फ्याःगु खँ धयादिल । थुगु ज्याइवःस प्रमुख श्रेष्ठ शंखरापुर नगरपालिकाया थःगु हे भवन दयकेगु, सक्वय न्हूगु बसपार्क दयकेगु, कृषि बिमा ज्याइवः, आलु जोन दयकेगु, जहरसिं पौवाय गणेशमान पार्क दयकेगु, माणिचुड सालिनदि विकास यायगु, सक्वनिसे भोटेचौरतक लँ पीच यायगु, जहरसिंपौवानिसे बाउनपाटीतक लँ तब्याः यायगु, इन्द्रायणी स्वास्थ्य केन्द्र दयकेगु,

शंखरापुर नगरयात शंखरापुर नगरग्राम दयकेगु व शंखरापुर नगरया जनताया सुरक्षा निति त्वाःत्वालय सिंस क्यामेरा तयगु कनादिल ।

अथे हे, उप-प्रमुख शुक्रलक्ष्मी श्रेष्ठ मिसापिनिगु निति असहाय सुत्केरी स्वास्थ्य सेवा ज्याइवः अन्तर्गत सुत्केरीपिन्त नयगु त्वनेगु व वासः सितिकं बीगु बचं बिबादीगु खः । ज्याइवलय नेकपाया नगर परिषदया अध्यक्ष निरोज केसी, नेपाली काग्रेसया प्रतिनिधि राजभाइ मानन्धर, राप्रपाया प्रतिनिधि गोविन्द प्रसाद श्रेष्ठ व होमनेट नेपालया प्रतिनिधि बुद्धभक्त चित्रकारपिन्स थःथःगु नुगःखँ तयादीगु खः ।

न्यातपौ देगःया बुसादँ

खवपया न्यातपौ देगःया बुसादँ न्यायकल । वंगु छुं न्हि न्ह्यवनिसे देगःया पल्लिइ यचुपिचु यानाः ध्वॉय ब्वयकाः बुसादँ न्यायकूगु खः । न्यातपौ देगः ने.सं. ८२२स दिल्ला पारुया न्हि कुन्हु दयकेगु क्वचाःगु लसताय थुकथं दँयदसं बुसादँ न्यायकेगु परम्परा न्ह्यानाचवंगु दु ।

बुसादँ न्यायकेगु इवल्य तुयुगु कापतय ह्याउंगु चन्द्रकार दुगु ध्वॉय ब्वयकूगु खः । उगु ध्वॉययात खवप भासं भूषादान धाइ । न्यातपौ देगः जुजु भूपतिन्द्र मल्लया पालय तान्त्रिक विधिं दयकूगु उगु देगः खुलाया दुने दयके ज्या क्वचायकूगु विश्वास यानातःगु दु । देगःया निति खवप नगरपालिका ६५गु लख १३६ः तकाया बजेट फ्यानातःगु दु ।

थुगुसी...

रथ जात्रा यायत नं जोशीपाखें साइत वय्माःगु जुयाच्वन । साइत वःसां अवस्था स्वयाः जक रथ सालेगु जात्रा पक्षं धाःगु दु । आः संक्रमितया ल्याः थहांवनाचवंगु व जोखिम अप्पयाचवंगु अवस्थाय जात्रा जुइमखूगु वय्कःपिनिगु धापू दु । जात्रा मजुतल्ले द्याःयात रथय हे तयातयगु नं वय्कःपिन्स धाःगु दु ।

जात्रा पक्षया थज्याःगु धापू वयाचवसां आःया अवस्थाप्रति चिन्तितपिं धाःसा हुक्क जुइफ्याचवंगु मदु । जात्रा मयायगु जूसा रथ छाय दयकल ले धइगु न्ह्यसः दनाचवंगु दु । संक्रमणया जोखिम अप्पयाचवंगु बलय, संक्रमितया ल्याः थहां वनाचवंगु जक मखसें स्वनिगलय दुने हे न्हि न्हि संक्रमित खनेदयाचवंगु इलय जात्रा याय हे मज्यू धइगु कथं समाजय सः दनाचवंगु दु । यें, खवपय दक्व दक्व जात्रा बन्द जूबलय यलय जक छाय जात्राया तयारी धकाः नं विरोध जुयाचवंगु दु ।

थ्व खँया विषयस जिल्ला प्रशासन ज्याकू यलयात धाःसा छुं हे जानकारी मदुगु धाःगु दु । यल जिल्लाया सहायक प्रमुख जिल्ला अधिकारी खिमलाल भुषाल रथ दयकाचवंगु विषयस आःतक जिल्ला प्रशासन ज्याकूयात छुं हे जानकारी मवःनिगु धयादिल । आःया अवस्था धइगु लकडाउन चीका हे मख्वःनिगु व भचा छ्वासूगु जक खःगु धासें भुषाल छुं नं सामाजिक गतिविधि याःसां १५म्हं आपाः मनु मुनेमज्यूगु नियम लागू दनिगु लुमकादिल । रथ दयकेगु तक १५ तक मुनाः यायजोगु तर जात्रा हे यायगु धइगु आःया अवस्थाय सम्भव हे मदुगु वय्कलं धयादिल । सभा, समारोह, सेमिनार,

जात्रापर्व लगायतया गतिविधि यायत आः नेपाल सरकार पनातःगु दुगु धासें थुकथंया ज्याखँ जूसा जिप्रकापाखें माःगु प्रकृया नालाः पनेगु धयादिल ।

खतुं जात्रा पक्षं आःया अवस्थाय जात्रा यायमफइगु धयाचवंगु दु । तर आम जनसमुदायपाखे दनाचवंगु आशंकयात नं जात्रा पक्षं क्वलाकेमाः । जात्राया सम्बन्धय योजना वा बिचाः छु खः सार्वजनिक यायगु जात्रालिसे सम्बन्धित खलःपुचःया दायित्व खः ।

कीर्तिपुर...

न्यागः मेसिन सेवापाखें न्ह्यात कि थ्यंमथ्यं २००म्हेंसित सेवा बीफइगु जानकारी ब्यूगु दु । अथे हे, कीर्तिपुर नगर पालिकाया ग्वाहालि कीर्तिपुर अस्पतालय वइगु शुक्रवाःनिसे पिसिआर टेष्ट नं न्ह्याइगु जानकारी ब्यूगु दु ।

दमाइचाघाटय...

त्यंदनीगु धेवा ३गु लख ९७६ः च्यासः व न्ययुप्यतका जनसहभागितापाखें तइगु खँ धाःगु दु ।

वाटर फिल्टर प्लाण्ट दयकेत प्रदेश वइगु आर्थिक दँया नीति व ज्याइवलय बजेट विनियोजित याकागु सांसद शाक्यं धयादीगु दु । सांसद शाक्यया कथं प्रदेशं १गु करोड ७५गु लख बजेट विनियोजित याःगु दु ।

थुकिं यानाः वइगु आर्थिक दँय फिल्टर प्लाण्ट दयकेगु ज्या क्वचाइ । व लिपा लःया हाहाकारया समस्या ज्यनी । लिक्क लाःगु वडाय नं लः इनेफइ । सांसद शाक्यं धयादिल । थुगु वडाया नापनापं १५, १८, १९ व २० वडाय त्वनेगु लःया समस्या

स्थानीयवासीत हैरान जुयाचवंगु दु ।

२०६५ सालय तत्कालीन भौतिक आवास तथा निर्माण मन्त्री हिसिला यमिया पहलय काठमाण्डौं उपत्यका खानेपानी लिमिटेड (केयुकेएल)पाखें दमाइचाघाटय डिप बोर्डिड याःगु खः । 'बोरिडया लः प्राविधिक जाँच याःगु इलय आइरन व एमोनियाया मात्रा अचः खनेदुगु खः । थुकिं यानाः उगु लः स्वास्थ्यया ल्याखं त्वनेमज्यूगु जुल ।' दमाइचाघाट उपभोक्ता समितिया नायः मिलन शाही धयादिल ।

बोरिडया लः त्वनेबहःजुइक दयकेत स्थानीय उगु इलनिसें फिल्टर प्लाण्ट दयकेमाःगु माग याःगु खः । समितिया उपाध्यक्ष तीर्थ महर्जनकथं फिल्टर प्लाण्ट दयकेत केयुकेएलया प्राविधिक पुचलं छगु करोड निन्यागु लखतकाया लागत अनुमान याःगु खः ।

'बजेटया व्यवस्था याकेत केयुकेएलय तःक्वःमाछ हे डेलिगेशन वना । उलिमाछ बजेट विनियोजित याय मफइगु लिसः केयुकेएलपाखें वय्वं बोरिडया लः त्वनेगु स्थानीयवासीया इच्छा अर्थेनु लानाचवंगु खः । समितिया उपाध्यक्ष महर्जन धयादिल ।

थ्व हे दथुइ वंगु सञ्चरवाः छगु ज्याइवःया दथुइ रिजर्भवायर दयकेत शिलान्यास यात । यें क्षेत्र नं. ८या संघीय सांसद जीवनराम श्रेष्ठ, प्रदेश सांसद राजेश शाक्य व यें महानगरपालिका-१९या वडाध्यक्ष शशिलाल श्रेष्ठ मंकाःकथं शिलान्यास याःगु खः ।

ट्यांकीइ ९०६ः लिटर लः न्ह्यनी । बोरिडपाखें छगु सेकेण्डय १५गु लिटर व निचौया दुने ९०६ः लिटर लः पिहांवइगु जानकारी ब्यूगु दु । फिल्टर प्लाण्ट दयकेधुंकाः थ्यंमथ्यं न्यादःखा छँ लाभान्वित जुइगु धाःगु दु ।

आफ्नो अधिकार प्रयोग गर्दा अरुको अधिकार प्रति सजगर सचेत हुनु असल नागरिकको कर्तव्य हो ।

नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

यैँ महानगरपालिकापाखें आव २०७७/७८या बजेट सार्वजनिक

यैँ महानगरपालिका वङ्गु आर्थिक बर्ष २०७७/७८या निति १६गु अर्ब ४२गु करोड ७३गु लख २६६.तकाया अनुमानित बजेट तथा कार्यक्रम सार्वजनिक या:गु दु ।
 यैँ महानगरपालिकाया उप-प्रमुख हरिप्रभा खड्गी श्रेष्ठ उगु बजेट नगरसभा न्हयक्व:गु अधिवेशनय् न्हयव्वयादीगु ख: ।
 उप-प्रमुख खड्गी न्हयव्वयादीगु बजेटय् आर्थिक बिकास क्षेत्रया निति १७गु करोड २३गु लख बिनियोजन यानादीगु दु । थ्व कूल बजेटया १.५ प्रतिशत ख: । अथे हे ज्याकुथि सञ्चालन नाप प्रशासनिक क्षेत्रया निति १गु अर्ब ७८गु करोड २७गु लख ५०६: बिनियोजन यानादीगु दु । थ्व कूल बजेटया १०.८५ प्रतिशत ख: ।
 यैँ महानगरपालिका पूर्वाधार बिकास क्षेत्रया निति ८गु अर्ब ४३गु करोड ४३गु लख ७१६:या बजेट बिनियोजन या:गु दु । सामाजिक बिकास क्षेत्रया निति



२गु अर्ब ४९गु करोड ९८गु लख बजेट बिनियोजन या:गु दु । अथेहे सुशासन तथा अन्तर सम्बन्धित क्षेत्रया लागि ९६ करोड ३० लाख बजेट बिनियोजन या:गु ख: । सशर्त अनुदानपाखे २गु अर्ब ५७गु करोड ५१गु लख ५६: बिनियोजन या:गु

ख: । यैँ महानगरपालिकाया आर्थिक बर्ष २०७७/७८या निति १६गु अर्ब ४२गु करोड ७३गु लख २६६: आम्दानी जुड्गु प्रक्षेपण या:गु दु । उकी मध्ये अन्तरिक श्रोतपाखे कूल ६गु अर्ब ७६गु करोड ६५गु लख आम्दानी जुड्गु प्रक्षेपण या:गु दु ।
 अथे हे, आन्तरिक स्रोतपाखे महानगरपालिका ६गु अर्ब ७६गु करोड ६५गु लख आम्दानी यायगु लक्ष्य का:गु दु । उकी मध्ये प्रमुख स्रोतया रुप बहाल करपाखे १गु अर्ब ५०गु करोड मध्यगु लक्ष्य का:गु दुसा सम्पत्ति करपाखे ८०गु करोड मध्यगु लक्ष्य का:गु दु । अथे हे, व्यवसाय करपाखे ४०गु करोड, विज्ञान करपाखे ६गु करोड मध्यगु लक्ष्य न महानगरपालिका कयात:गु दु । शुल्क आयपाखे १गु अर्ब ५०गु करोडया नापनाप कवाडी कर लिसेयापाखे महानगरपालिका आम्दानी यायगु लक्ष्य कयात:गु दु ।

नेपालभाषा पाठ्यक्रम ब्वकेगु निति विज्ञपिलिसे सहलह



यैँ महानगर दुनेया ब्वनेकुथिइ नेपालभाषा स्थानीय पाठ्यक्रमय् ब्वकेगु निति अन्तिम रुप बिइत वंगु आइतवा: राष्ट्रिय सभागृहस विज्ञपिलिसे सहलह या:गु दु । थुगु सफू यैँ महानगर दुने छगु तर्गिनसे च्यागू तर्गितक दक्व ब्वनेकुथिइ लागु जुइ । थुगु सफू सामुदायिक व निजी ब्वनेकुथी ब्वकीगु जानकारी ब्यगु दु ।

ज्याभ्वलय् यैँ महानगरपालिकाया उप-प्रमुख हरिप्रभा खड्गी श्रेष्ठ, शिक्षा विभागया मोतिराज खनाल, गुजेश्वरी श्रेष्ठ, यैँ महानगरपालिकाया प्रवक्ता ईश्वरमान डंगोल, मुकुन्द रिजालपिन्स नुग:खै तयादीगु ख: ।
 ज्याइवलय् प्रा.डा. त्रिरत्न मानन्धर, सह-प्राध्यापक राजन लाल जोशीलिसेया ब्यक्तित्वपिन्स तयादीगु न्हयस:या लिसे: पाठ्यक्रम समितिया दुज: डा.चुन्दा बज्राचार्य बियादीगु ख: ।
 उगु सफूतिइ यैँ देय् म्हासिकेगुकथं यैँया तजिलजि, यैँ महानगर दुनेया सम्पदालिसे भाषा, नख:चख:, संस्कार, सीप कलाकौशल व ब्यवसाय, नैतिक शिक्षा, भौगोलिक स्वरुप व प्राकृतिक स्वरुप, स्वास्थ्य, शारीरिक व प्राकृतिक स्वरुप, ब्यक्ति म्हासीका व लिपि दुथ्याकात:गु दु ।

उपलब्ध हुने सामानहरू | डेरी, मासु, बेकरी उद्योगकालागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिहलहरू तथा विविध औद्योगिक उपकरणहरू ।

श्रेष्ठ ट्रेड मेडिया
 श्री लाल भवन, १३ टंकेश्वर (छाउनी जाने बिष्णुमति पुलसंगै), काठमाडौं । फोन : ४२७०६८४/९८५१०८८५२
 Email: laltc@wlink.com.np, lal265shrestha@gmail.com, laltc@hotmail.com
 A House of Dairy Equipment & Chemicals
 साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

कोरोना भाइरस रोग (कोभिड-१९)

नेपाल सरकार
 सञ्चार तथा सूचना प्रविधि मन्त्रालय
 सूचना तथा प्रसारण विभाग

दिन, दुखी व असहायपिन्त नि:शुल्क स्वास्थ्य सेवा प्रदान ।
 दानी, सुखी व सम्पन्नयात सशुल्क स्वास्थ्य सेवा वरदान ।।

छत्रपाटी नि:शुल्क चिकित्सालय (अस्पताल)
 स्तरीय सुलभ स्वास्थ्य सेवा सकसिया निमित्त, असहायपिन्त जक नि:शुल्क

उपलब्ध सेवा
 २४ सै घन्टा सेवा

शल्यक्रिया	बहिरङ्ग सेवा	अन्य सेवा
<ul style="list-style-type: none"> मोतिबिन्दु जनरल सर्जरी नहायप, नहाय, गाप: हाड जोर्नी नशा पिसाव नलीया पत्थर बिना चिरफार 	<ul style="list-style-type: none"> मुटु लव्य प्वा:या लव्य युरोलोजी मिसा लव्य मचा लव्य वाया लव्य मिसा लव्य 	<ul style="list-style-type: none"> जेसिङ्ग ईण्डोस्कोपी कोलोनोस्कोपी फिजियोथेरापी अल्ट्रासाउण्ड, कलर डप्लर व इको युरोपेली स्तरया दन्त प्रयोगशाला

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९१९, ४२६६२२९, E-mail: cfclinic@mail.com.np, www.free-clinic.org.np